

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona”, broj: 7/10 i 3/23) i članova 52. stav (4) i 60. stav (2) Zakona o izvršavanju Budžeta Zeničko-dobojskog kantona za 2025.godinu („Službene novine Zeničko-dobojskog kantona”, broj: 25/24, 6/25 i 12/25), na prijedlog Ministarstva zdravstva, Vlada Zeničko-dobojskog kantona, na 124. sjednici, održanoj 10.04.2026. godine, d o n o s i

O D L U K U

o usvajanju Izvještaja o utrošku sredstava po Programu utroška sredstava Ministarstva zdravstva na poziciji “Transfer drugim nivoima vlasti“ - „Tekući transfer za JU Institut za zdravlje i sigurnost hrane Zenica – Projekat HPV vakcinacija“ - Izvor 10 Budžeta Zeničko-dobojskog kantona za 2025. godinu

Član 1.

(Predmet)

Usvaja se Izvještaj o utrošku sredstava po Programu utroška sredstava Ministarstva zdravstva na poziciji “Transfer drugim nivoima vlasti“ - „Tekući transfer za JU Institut za zdravlje i sigurnost hrane Zenica – Projekat HPV vakcinacija“-Izvor 10 Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 4/25), koji čini sastavni dio ove odluke.

Član 2.

(Realizacija Odluke)

Za realizaciju ove odluke zadužuju se Ministarstvo zdravstva i Ministarstvo finansija, svako u okviru svojih nadležnosti.

Član 3.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-7159/26

Datum, 10.04.2026. godine

Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.

**IZVJEŠTAJ O UTROŠKU SREDSTAVA
PO PROGRAMU UTROŠKA SREDSTAVA MINISTARSTVA ZDRAVSTVA NA
POZICIJI „TRANSFER DRUGIM NIVOIMA VLASTI“-„TEKUĆI TRANSFER ZA
JU INSTITUT ZA ZDRAVLJE I SIGURNOST HRANE ZENICA – PROJEKAT HPV
VAKCINACIJA“-IZVOR 10 BUDŽETA ZENIČKO-DOBOJSKOG KANTONA ZA
2025. GODINU**

I UVOD

U skladu sa članom 39. stav (3) Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24, 6/25 i 12/25), sredstva utvrđena u razdjelu 21, budžetska organizacija 01, potrošačka jedinica 0001, Budžeta Ministarstva zdravstva, ekonomski kod 614100, pozicija „Tekući transferi drugim nivoima vlasti“, koriste se prema programima utroška koje donosi Vlada Kantona.

Budžetom Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24, 12/25 i 23/25) na razdjelu 21-Ministarstvo zdravstva, budžetska organizacija 01, potrošačka jedinica 0001, ekonomski kod 614100 – Tekući transferi drugim nivoima vlasti, subanalitika LAX015, pozicija „Tekući transfer za JU Institut za zdravlje i sigurnost hrane Zenica – Projekat HPV vakcinacija“ planirana su sredstva u iznosu 50.000,00 KM.

Vlada Zeničko-dobojskog kantona Odlukom broj: 02-11-3651/25 od 28.02.2025. godine usvojila je Program utroška sredstava Ministarstva zdravstva na poziciji „Transfer drugim nivoima vlasti“-„Tekući transfer za JU Institut za zdravlje i sigurnost hrane Zenica – Projekat HPV vakcinacija“-Izvor 10 Budžeta Zeničko-dobojskog kantona za 2025. godinu u iznosu 50.000,00 KM.

Članom 52. stav (4) Zakona o izvršavanju Budžeta Zeničko-dobojskog kantona za 2025. godinu propisana je obaveza organa uprave da o utrošenim sredstvima po usvojenim programima polugodišnje izvještava Vladu Kantona.

II REALIZACIJA PROGRAMA

Odlukom o odobravanju sredstava broj: 02-11-9729/25 od 14.05.2025. godine odobrena su sredstva JU Institut za zdravlje i sigurnost hrane Zenica sredstva u iznosu 50.000,00 KM za sufinansiranje Projekta HPV vakcinacija u 2025. godini koji obuhvata sljedeće projektne aktivnosti:

- a) planiranje i dizajn kampanje,
- b) edukacija mladih osoba,
- c) edukacija zdravstvenih radnika,
- d) edukacija roditelja i školske zajednice,
- e) edukacija opšte populacije korištenjem društvenih mreža,
- f) unos podataka i statistička analiza rezultata anketiranja,
- g) priprema izvještaja projekta i
- h) prezentacija rezultata projekta.

Navedena Odluka donesena je na osnovu Odluke broj: 02-11-3651/25 od 28.02.2025. godine o usvajanju Programa utroška sredstava Ministarstva zdravstva na poziciji „Transfer drugim

nivoima vlasti“ - „Tekući transfer za JU Institut za zdravlje i sigurnost hrane Zenica – Projekat HPV vakcinacija“ Izvor 10 Budžeta Zeničko-dobojskog kantona za 2025. godinu.

U skladu sa članom 4. Odluke odobravanju sredstava broj: 02-11-9729/25 od 14.05.2025. godine JU Institut za zdravlje i sigurnost hrane Zenica dužna je izvijestiti Ministarstvo zdravstva o namjenskom utrošku sredstava, dostavljanjem izvještaja o utrošku sredstava za realizaciju projekta za 2025. godinu do 31.01.2026. godine.

JU Institut za zdravlje i sigurnost hrane Zenica je dostavila Izvještaj o utrošku sredstava po Projektu HPV vakcinacija-HPV (humani papiloma virus) vakcinacija kao strategija za prevenciju karcinoma grlića materice, broj: 02-74/26 od 09.01.2026. godine. U navedenom Izvještaju prezentirane su aktivnosti koje su u kontinuitetu provedene tokom 2025. godine, a odnose se na održane edukacije (radionice) edukatora kojima su bili obuhvaćeni 4 ginekologa (JU Dom zdravlja Visoko, JU Dom zdravlja Breza, JU Dom zdravlja Kakanj i JU Dom zdravlja Tešanj), 3 pedijatra (JU Dom zdravlja Visoko, JU Dom zdravlja Breza, JU Dom zdravlja Maglaj) 4 epidemiologa (JU Dom zdravlja Zavidovići, JU Dom zdravlja Zenica, JU Dom zdravlja Kakanj i predstavnik Kantonalnog zavoda za javno zdravstvo). Cilj ovih radionica je bio da svi edukatori „govore istim jezikom“, svi moraju koristiti iste informacije i podatke o efikasnosti vakcine, kako pristupiti roditeljima koji su neodlučni, kako odgovoriti na „teška pitanja“ i sl. Navedena edukacija se nije provodila kao klasično predavanje, nego kroz interaktivne metode. Nakon radionice svaki tim odlazi u svoju općinu kao homogena jedinica. Roditelji na tribinama vide da ljekari različitih specijalnosti govore isto, što smanjuje prostor za dezinformacije. Učesnici radionica su ocijenili multidisciplinarni pristup kao „izvrstan“ i „vrlo koristan“.

U toku 2025. godine organizovano je ukupno 13 tribina sa 550 učesnika čime je povećan nivo znanja i svijest ciljane populacije. Od ukupno 550 učesnika na organizovanim tribinama 300 su bili učenici, 150 roditelji i 100 nastavnika i prosvjetnih radnika. Distribuirano je 1500 brošura za roditelje, 400 info letaka za učenike i 6 video-edukativnih materijala.

Povećana je dostupnost edukacije u cijelom Zeničko-dobojskom kantonu, jer je organizovanim tribinama obuhvaćeno 12 gradova/općina i uključeno 10 zdravstvenih ustanova.

Edukativno-promotivne aktivnosti su doprinijele povećanju obuhvata imunizacije, tako da su npr. u 2024. godini utrošene 1094 doze vakcine, a povećanje obuhvata u odnosu na 2023. godinu je više od 3 puta.

Uspostavljena je međusektorska saradnja (zdravstvo-obrazovanje), obzirom da su tribine organizovane u srednjim i osnovnim školama uz aktivno učešće nastavnika i školskog osoblja.

Učinci i efekti:

- Ujednačavanje i jačanje stručnih kapaciteta zdravstvenih radnika

Unaprijeđene su stručne i komunikacijske kompetencije zdravstvenih radnika uključenih u promociju HPV imunizacije.

- Standardizacija javnozdravstvenih poruka na nivou kantona

Uspostavljen je jedinstven i standardizovan pristup informisanju o HPV vakcinaciji.

- Povećana informisanost i svijest ciljane populacije

Značajno je povećan nivo znanja i svijesti o HPV infekciji, vakcinaciji i prevenciji karcinoma grlića maternice.

- Povećana dostupnost edukacije u cijelom ZDK

Edukativne aktivnosti o HPV-u učinjene su dostupnim stanovništvu u većini općina i gradova kantona.

- Povećanje obuhvata HPV imunizacije (kratkoročni ishod)

Zabilježen je značajan porast prihvaćenosti i realizacije HPV vakcinacije u 2024. godini.

- Jačanje međusektorske saradnje (zdravstvo–obrazovanje)

Uspostavljena je funkcionalna saradnja između zdravstvenih ustanova i obrazovnih institucija.

- Doprinos globalnim i nacionalnim javnozdravstvenim ciljevima

Projekt je usklađen sa globalnim i nacionalnim strategijama eliminacije cervikalnog karcinoma.

Sredstva odobrena odlukom transferisana su u ukupnom iznosu na žiro-račun JU Institut za zdravlje i sigurnost hrane Zenica dana 26.05.2025. godine.

Ukupni troškovi realizacije projekta dati su u sljedećem tabelarnom pregledu:

Vrsta troška	Iznos u KM
Bruto primanja zaposlenih	31.397,00
Troškovi tehničke realizacije programa	12.290,00
Indirektni troškovi	6.553,00
UKUPNO	50.241,00

Ukupni troškovi po osnovu Tekućeg transfera za JU Institut za zdravlje i sigurnost hrane Zenica – Projekat HPV vakcinacija iznose **50.000,00 KM**, što je 100,0% sredstava planiranih Budžetom Zeničko-dobojskog kantona za 2025. godinu.

Prilog:

1. Izvještaj o utrošku sredstava za 2025. godinu – Projekat HPV vakcina koje Institut za zdravlje i sigurnost hrane Zenica – HPV (Humani papiloma virus) vakcinacija kao strategija za prevenciju karcinoma grlića materice broj: 02-74/26 od 09.01.2026. godine

Zenica, mart 2026. godine

MINISTRICA

dr Aida Salčinović